

SU PAPAGALLU
=====

Papagalleddu, ses sa creatura,
forzis, prus connotu e mentovau;
pro me ses su prus bellu e delicau
fizu 'e sa nobile natura.

Tue, chi olas dae frore in frore,
in logos arestaos e zardinos
connosches sos misterios divinos
de sa bellea ch'attirat s'amore.

Zeo, invece, chi ti zutzo in manos,
timinde pro non ti faer male,
de sa tua bellea naturale
comprendere non potzo sos arcanos.

No isco si ind'un atimu creau
han sas alas tuas de villutu;
o si millenios in sinu t'ha zutu
sa natura prima ch'apes bolau.

E non lu potzo domandare a tie,
prite non l'ischis, siguru nde seo;
su matessi comente no isch'eo
cando e comente han creau a mie.

Perdonami si happe fattu abusu
privandedi de sa tua libertade,
za l'ischis bene ch'in s'umanidade
cussa prepotenzia est meda in usu.

Bai in bon'ora e fortunada sias:
t'ido chi felice in altu olas,
torr'a biver tra rosas e violas
lontanu 'e sas ingratas manos mias.

CHENALE

DOMENICO IBBA

CAGUARI